

Выходить
въ каждую среду.

Адресъ Редакціи и
Администраціи:

„ЛЕМКО“
Горлицы.

ЛЕМКО

Подписная цѣна на
газету „ЛЕМКО“

на цѣлый годъ:

Въ Австр.-Венгріи 4 К.

Въ Россію 2 руб.

Въ Америку 2 дол.

Поодинокій Н-рь 10 г.

Объявленія по договору

НАРОДНЫЙ ЕЖЕНЕДЕЛЬНИКЪ НА ЛЕМКОВСКОМЪ ГОВОРѢ.

Н-рь 40.

Горлицы, среда (12 ноября) 30 октября 1913 года.

Годъ III.

**Кредитное Общество „Надежда“ въ
Крыницѣ рѣшило на засѣданію Надзи-
рательного Совѣта отъ 28 жолтня 1913
року н. ст. подвысшити процентъ отъ
— вкладовъ щадничыхъ на 6% —**

Русскій грѣшь до русскихъ рукъ!

Еденъ генераль выправляючи ся на войну повѣвъ:

Треба ми лемъ трьохъ рѣчей, а цѣла справа ми ся добре поведе. Перша рѣчь, то пѣнязѣ, друга — пѣнязѣ, и третя рѣчь — пѣнязѣ.

Такъ отже пѣнязѣ гнеска шытко робятъ. Счастливый народъ, котрый матеріяльно добре стоитъ и съ такимъ народомъ ворогы ся рахують. Найлѣпшій прикладъ маме на Чехахъ, котры свое отрожденіе меже Нѣмцями зачали отъ матеріяльного нѣднесеня ся.

Русскій народъ есть — черезъ всѣхъ помитуваный, не уважатъ го ни хто и ни хто ся съ нимъ не рахуе. А тому шыткому — мы сами собѣ винни — бо мы сами даеме оружіе нашимъ ворогамъ и кажеме имъ самыхъ себе убивати.

Мы лемъ привыкли нарѣкати, же преслѣдують насъ, нашу вѣру, же съ насъ собѣ ни хто ничъ не робитъ. Такъ, то правда, же мы не заживае такихъ правъ, яки намъ приписала конституція, а съ якихъ користають други народы нашей державы, але и то правда, же мы ничъ не хцеме съ тымъ бороти ся, лемъ чекаме — жебы намъ печены

голубцѣ до усть влетѣли. — Мы мусиме ся бороти и то не ма ся скѣнчыти на словахъ, але на дѣлахъ. Мусиме мати средства до той нашой борьбы за русское имя, за рускую православну вѣру.

Колько то въ нашихъ горахъ есть такихъ русскихъ люди, што то разомъ съ Поляками и жыдами складають свои пѣнязѣ на „военный фондъ“ для польскихъ повстанцѣвъ, колько то въ насъ Руссакѣвъ будуе разомъ съ Поляками по русскихъ мѣсцевостяхъ польскы „kościółki“, польскы школы, охронки и пр.

Тыми суть шыткы тоты русски люде, што тримають свои пѣнязѣ по польскихъ и жыдовскихъ кассахъ. То суть найвекшы каты русского народа, русской церкви, бо то барже болитъ якъ вкусить свѣй власный пѣсь, якъ чужій. Таки зрадники русского народа, то есть найвекшій нашъ соромъ!

Чась бы ся намъ опамятати! Русскій грѣшь най иде до русскихъ рукъ! Ты хлопе пойдешъ, занесешъ до польской кассы — свѣй кырваво запрацюваный крайцаръ, а Полякъ ся съ ты высъмѣ — якый ты ищи глупій и наплюе на твою народнѣсть

и вѣру — и буде тебе бивъ тымъ оружіемъ — што кунитъ за доходъ съ твоихъ власныхъ пѣнязѣ.

А призрїиме ся теразъ, якъ бы то добре было — якъ бы доеденъ нашъ крайцаръ бивъ лемъ въ нашихъ русскихъ кассахъ. — Кромѣ того, же достаненъ процентъ отъ своихъ пѣнязѣ и то може лѣпшій, якъ по польскихъ кассахъ — (пр. „Надежда“ въ Крыницѣ дае теразъ ажъ 6%) остануть ищи грошы яко доходъ съ кассы, а тоты пѣнязѣ пойдутъ лемъ на наши русскы цѣли и потреби.

Хтожь утриме русскы бурсы, якъ не русскы кассы? А чи мало пѣнязѣ дають наши кассы на „Русски Дружины“, читальни, народны домы и на всѣлякы други народны потреби? Старайме ся жебы наши кассы добре стояли, а втовды и мы дальше напередъ поїдеме; бо грѣшь шытко робитъ.

Дальше, якъ ты небоже поїдешъ лемъ до русской кассы, то и твой ворогъ буде ся съ тобомъ рахувавъ, не буде южъ ты мавъ за вѣчно дурного, бо буде видѣвъ — жесь южъ прозрѣвъ, а горе буде нашимъ ворогамъ, якъ збудится зо сну русскій народъ — бо велика и богата есть русска земля, але ищи порядку въ ней нѣтъ.

Такъ отже опамятайме ся!

Нашъ кырваво запрацюваный грѣшь несме лемъ до русскихъ кассъ, не тримайме го въ коникахъ въ постелѣ, або за рамомъ, ани по польскихъ ани жыдовскихъ кассахъ, бо то есть велькій, не до дарованія, народный грѣхъ! — А памятайме, же зрадниками русского народа и русской церкви суть тоты наши братья, што тримають свои пѣнязѣ въ чужыхъ, ворожихъ намъ кассахъ.

Русскій грѣшь до русскихъ рукъ!

Якъ жыло ся русскому народу за часѣвъ польскихъ королѣвъ?

Въ старыхъ писмахъ захованыхъ при гр.-кат. церкви въ Тыличѣ нашлизме слѣдующій актъ, котрый представлятъ якыхъ способѣвъ ужывали Поляки за часѣвъ своихъ королѣвъ, жебы знищиги русскій народъ, а натомѣсть росширити Польшу.

Актъ тотъ есть отписаный съ книгъ протоколу деканату мушинского, коли той урядъ коло 1682 справувавъ Михаилъ Мѣйскій, тогдашній деканъ мушинскій и спижскій, черезъ Симеона Щавницкого, пароха въ Поворознику, въ р. 1738. — Именно въ 1682 р. за епископа Іоанна Матаховского выбрано комисію — котра удала ся до Тылича — и тамъ перевела слѣдство о знищеной черезъ польскій рядъ русской церквѣ.

Вытягъ тотъ ма и то значенье, же служить яко опроверженіе Полякамъ — котры въ послѣднихъ часахъ съ цѣломъ силомъ ударили на Тыличъ, а въ своихъ газетахъ дописують ныбы на историчныхъ актахъ оперты дописи шовинисты-историки, же Тыличъ бывъ съ давень давна польскомъ земльомъ и же ажъ пѣзнѣйше завели ся тамъ русски люде.

Якъ то наравду было увидѣме съ акту, котрый дословно изъ латинского языка ту переводиме.

Въ року 1682 дня 4 лютого приѣхавшы до мѣсточка Тылича особы ниже пѣдписаны, таку о церквѣ спрофанованой (сбещеной) взяли реляцію:

Госп. староста Казиміръ Садовскій*) съ г. Кемпскимъ рахмайстромъ, приѣхавшы станули во дворѣ тылицкимъ. По двохъ годинахъ пришовъ до нихъ — латинскій ксендзъ тылицкій и потѣмъ съ нимъ вышли вымѣнены господинове на плебанію (латинску), отталь послали по начальника громады Криштофа Былицкого обр. лат.

*) Тогдашній староста мушинскій.

абы шытокъ нарѣдъ скликавъ пѣдъ ратушъ, тожъ съ розказу начальника Добошъ обѣйшовъ мѣсточко и бивъ въ бубень.

Внетъ нарѣдъ ся зобравъ и годину чекавъ пѣдъ ратушомъ. Потѣмъ до нихъ пришли два лавники Данько Волошинъ съ Ястрибика и — Андрей Мотычка съ Крыницъ и скликали шытокъ нарѣдъ до плебаніи лат. — а якъ южъ ся зобрали шытки читано имъ декретъ съ р. 1681, черезъ Станислава Годпида Сегедого — писара мушинского. Потѣмъ розказано народови выйти съ плебаніи, а ксендзъ польскій казавъ шытьромъ лавникамъ, Добошови, пѣдданому Васкови и косьцѣльникови, абы пѣшли до церквѣ (такъ гваривъ):

„Идте до церкви, не пушайте тамъ никого, жебы ми тамъ попъ дашто не взять, бо я знамъ, же шытко што тамъ есть то мое и будте тамъ на вартѣ доки мы не приѣдеме“.

Потѣмъ пѣшли вымѣнены господинове и нарѣдъ до церкви, де на фиртицѣ церковной читано декретъ, котрый написали въ лат. плебаніи, а бывъ такой:

Мамъ приказъ такой отъ князя — **ажебызме вамъ церковь одобрали и што лемъ зробиме маме приказане отъ князя.**

Потѣмъ староста розказавъ русскому священнику, жебы взять Найсвятѣйши Дары, але тотъ отповѣвъ:

Того не лемъ за цѣлый маетокъ свѣй, але и за свою голову не зрѣю.

То есть приказъ отъ князя — казавъ староста.

Я мамъ приказъ отъ Бога — отповѣвъ зновъ священникъ.

Въ концѣ розказавъ староста польскому ксендзу взяти Найсв. Дары. Якъ тотъ выходивъ съ Найсв. Дарами съ церквѣ шытокъ русскій нарѣдъ впавъ на колѣна въ церквѣ, на цвѣнтарѣ, дорозѣ, рынку и въ цѣлымъ мѣсточку Тыличу зробивъ велькій жалобный плачь и не-

чуване нарѣканье. — Люде, котры яко гостѣ съ Венгеръ тамъ были, клякнули на колѣна — рыдали и жадали помсты: Господи, видишь кривду того Дома Божого! — Ничъ то не помогло. По вынесеню Найсв. Дарѣвъ церковь замкнено, а Поляки, съ котрыхъ лемъ двохъ и то лемъ двохъ — осѣдлыхъ въ Тыличу съ грунтами было, такъ собѣ спѣвали:

Чогозме хтѣли, тогозме ся дочекали.

На другій день польскій ксендзъ съ органистомъ впавъ до русской церквѣ, шмарили ся заразы до олтаря, на котрымъ приносило ся Богу жертву и зо шыткого обдерли, обрусы и иншы оздобы пѣздѣймывали, а потѣмъ тотъ олтарь самъ ксендзъ на триски порубавъ — триски спалили — порогъ отъ царскихъ двери вырубали, образъ Найсв. Маріи сокиромъ розлупили, образъ, на котрымъ было 12 апостоловъ вынесли съ церквѣ и шмарили до воды до рѣки, по котрымъ якъ по лавѣ переходили — другы образы, якъ принесли до церквѣ огня — **въ церквѣ спалили** — а де лемъ бывъ якій знакъ образѣвъ або писма якого, то сокирками вырубали.

Окрѣмъ того для смѣлости ксендзъ польскій и съ другими людьми въ церквѣ палюнку пили и до найдрѣбнѣйшой рѣчи шытко съ церквѣ заберали. — Изъ дзвонницѣ заразы два дзвонны, а предъ кѣлькадесятъ роками другы два забрали, съ котрыхъ еденъ бывъ пожыченый съ Крыницѣ.

Якъ ся то такъ дѣяло, зновъ якъ попереднього дня плачь, крикъ и нарѣканье русскихъ людей по цѣлымъ мѣсточку Тыличу. Въ концѣ заказано пѣдъ каромъ, абы тоту церковь не называно — церквѣомъ, лемъ капличкомъ.

Якъ поневѣрано ся на Руссинахъ доводитъ то, же Юрко Вавковскій (обр. русского) давалъ польскому ксендзу 10 злотыхъ, абы му позволилъ духовного до сповѣди, а того нѣякъ не зробивъ (польс.

В. Дж. Биркбекъ.

3)

Религійное преслѣдованіе въ Галичинѣ.

(Переводъ съ англійского С. Троицкого).

Первую подорожъ совершивъ я въ село Грабъ. — Выбравъ я его тому, що чувъ, що касательно упоминанія въ писмѣ Бобринского въ „Times-ѣ“ о преслѣдованіяхъ въ Грабѣ — польскіи его оппоненты выставляли на видъ тотъ фактъ, будто самъ онъ никогда лично не посѣщавъ той части Галичины и говорили — що онъ лишъ повторявъ утверженія „политическихъ агентѣвъ“ по слухамъ.

Мене сопровождавъ одинъ мой знакомый по Львовѣ, котрый хотъ въ послѣднѣмъ часѣ и не живъ въ томъ краю, однако провѣвъ тутъ дѣтство и юность, будучи сыномъ уніятского священника сосѣдного села. Для того онъ прекрасно знавъ тотъ край, и дѣйствительно, безъ его содѣйствія было бы невозможно — совершаючи путь фѣрою, найти дорогу посреди крутыхъ горныхъ путей отъ одного села до другого.

Въ результатъ моего изслѣдованія я убѣдился, що написанное графомъ Бобринскимъ въ „Times“ было дѣйствительно правдой, но нимъ было сказано меньше

чѣмъ половина всей правды. Съ часу его письма дѣло пѣшло дальше и пять другихъ селъ*) присоединились къ Грабу — оставивши унію и перейшовши въ православную церковь.

Я розговарювавъ майже съ сорока крестьянами въ семѣмъ Грабѣ и майже съ двадцатью изъ другихъ селъ — и съ кѣлькома мѣстными уроженцами, встрѣтившимися менѣ на дорозѣ — когда мы проѣзжали два другіи села. Безъ всякихъ затрудненій можно было вступить съ ними въ разговоръ, тѣмъ бѣльше, що тутъ — якъ и въ селахъ самой Россіи, крестьяне и дѣдичи всегда встрѣчаютъ съ распростертыми объятіями доброжелательного иностранца.

Навѣтъ когда стемнѣло (бувъ пѣздный вечеръ, когда мы достигли старого дома моего друга, гдѣ мы мали заночевати) и когда мы, проходячи черезъ село посдоравлиали „Слава Иисусу Христу!“ — выраженіе употребляемое теми крестьянами, когда мы говоримъ: „Good day“, или русскіи „здравствуйте“ (латинское „salvete“), сейчасъ же отвѣчали обычнымъ

*) Названія ихъ (я передаю ихъ — якъ менѣ сказали, разомъ съ измѣненными польскими названіями на картѣ): Вышеватка (Wyszewatka), Долгое (Długie), Липна (Lipna), Черное (Czarne) и Незнаево (Nieznajewo). Я посѣтивъ три изъ тихъ селъ и розговарювавъ съ мѣстными крестьянами.

„Слава и нынѣ и во вѣки“ — они были готовы говорить съ нами, якъ будтобы мы были ихъ старыи знакомыи. Невозможно тутъ розсказать — навѣтъ десятой части тихъ жалобъ, котрыи я слышавъ. То я надѣюсь сдѣлати потѣмъ въ другѣмъ мѣсцѣ.

Ихъ возмущеніе началось вслѣдствие посагательства одного священника, грубого украинофиля, посланного епископомъ въ Грабъ, чтобы ввести латинскіи новшества, не находящіися въ ихъ богослужебныхъ книгахъ и чтобы принудити ихъ говорить на языкѣ — котрый польское бѣльшинство въ мѣстнѣмъ — галицкомъ сеймѣ сдѣлало официалнымъ, но котрый въ дѣйствительности не есть языкомъ ни одной части въ Галичинѣ и — котрый для Лемковъ совершенно непонятенъ.

Тотъ „языкъ“ есть яка-то мѣшанина изъ трѣхъ малорусскихъ нарѣчій въ Галичинѣ, а также и изъ другихъ нарѣчій въ Волини и самѣй Малороссіи съ великою примѣшкою польскихъ словъ и выражений. Въ дѣйствительности то есть якій то истинный жаргонъ; видъ мѣстного эсперанто, и головная цѣль — котрую преслѣдовали при установленіи е. о будовы и его ортографіи — то образование чого то такого, що мало бы возможно бѣльше отличатися отъ звычайного лите-

ксендзь) и такъ безъ сповѣди мусѣвъ умерти.

Тото шытко зѣзнали цѣле мѣсточко Тыличь, де было сто господарей и пѣль присягомъ, же не иначе было, подтвердили. Слѣдуютъ имена.

Слѣдство то переведено въ 1682 р. 4 лютого черезъ мене Пегра Камѣнского викарого епископа перемышльскаго въ присутности моей, Михаила Мѣйскаго — офиціала, въ присутности моей, Іоанна Банковскаго, офиціала и въ присутности моей, Якова Сембратовича — офиціала бицкаго.

Писмо въ Редакцію.

„Русская Дружина“ въ Тыличѣ просить насъ о напечатаніи слѣдующаго — „Возванія“:

Дорогіи Земляки!

Тяжке наше положеніе въ Тыличѣ. Поляки изъ всѣхъ сторонъ ударили и хотять насъ знишити — хотять затерти слѣдъ русскости. Съ цѣлого краю наплывають жертвы на спольщеніе Тылича. — Недавно академична молодежь въ Новымъ Санчѣ устроила вечерокъ, а дохѣдъ предназначила на „Polski dom“ въ Тыличѣ.

Часто загощають до насъ польски учителя съ рѣжныхъ сторонъ и проповѣдуютъ ненависть до русскаго народа и русскаго церкви.

Во виду того мусѣли мы — русски люде призадумати ся ближе надъ собомъ, якимъ бы способомъ дати отпоръ нашему врагу. Дѣло розпочали мы отъ организаціи нашей русскаго молодежи, бо молодежь то наша будущность.

Предъ трема роками основали мы О-во „Русская Дружина“. — Чтѣбъ то Общество могло лѣпше розвиватись заложили мы предъ рокомъ свой оркестръ. Благодаря нашей усиленной работѣ маеме

ратурного русскаго языка — щѣбы принудительно выучивши такъ дѣтей — въ школахъ и при преподаваніи Закона Божія, власти могли постепенно сдѣлати для нихъ недоступною русскую литературу, а за тѣмъ, посредствомъ молитвенниковъ, содержащихъ латинскіи молитвы, переведенныи на новое нарѣчіе, уничтожити ихъ привязанность до православнаго преданія, до сихъ поръ сохраняемого въ ихъ церкви.

Такой способъ дѣйствій веде за собой и то слѣдствіе, що онъ разомъ съ тѣмъ дѣлае ихъ неспособными читати — або понимати старо-славянскій языкъ — на котромъ (якъ и въ Россіи) совершае ся ихъ богослуженіе.

Та политика Поляковъ безъ сомнѣнія, дуже пригодна для іезуитѣвъ, бо въ томъ случаѣ — если бы она увѣнчалась успѣхомъ, народъ переставъ бы понимати, що читаеся въ церкви — що послужило бы прекраснымъ предлогомъ для замѣны славянскаго языка — латинскимъ.

Но она роздражае рутенскихъ крестьянъ въ Галичинѣ — понимающихъ и любящихъ свое церковное богослуженіе, тѣмъ болѣе, що общее пѣніе на старо-славянскомъ языкѣ въ церквахъ распространено тутъ повсюда,

Дѣйствительно, недовольство изъ-за языка въ тихъ селахъ такъ сильно, якъ

южь зверхъ 200 членѣвъ. Вообще у насъ такъ зле бы не было. — Недостае намъ лемъ гроша, бо выдатку мѣсячно маемо на оркестръ до 50 К.

До того часу переважно сами мы ся складали, однакъ гѣрше представлять ся рѣчь на дале. Протое симъ путемъ звертаемъ ся до родныхъ нашихъ Братей въ Америцѣ, прежде всего до нашихъ розкиненыхъ по Америцѣ Тыличанъ, абы о насъ не забывали, жебы ишли путемъ своихъ славныхъ предковъ — и не дали загинути русскаму народу и русскаго — церкви въ Тыличѣ.

А сповнять свѣй обовязокъ тогда, если прійдутъ намъ — хотай зъ маломъ жертвомъ въ користь нашего Общества, которое намѣряе построити у себе „Народный Домъ“.

Жертвы просиме высылати на адресъ: „Русская Дружина“ въ Тыличѣ. Жертвы и найдрѣбнѣйши пріймемъ съ сердечнымъ благодареніемъ.

А. Андрейко, А. Хованецъ, А. Кроликовскій, Т. Хованецъ, Ст. Бабей, Ем. Андрейко, Гр. Сенко, Гр. Чеканикъ, Эм. Нестеракъ.

Жиды забили хлопця до мацѣ.

Дня 20 марта 1911 року припадково нашли люде въ едній печерѣ коло Кіева забитого хлопця. — Слѣдство выказало, што тымъ забитымъ хлопціомъ есть Андрей Ющинскій, учень кіевской духовной школы. Мавъ вѣтъ 12 рокѣвъ и вчивъ ся добрѣ. На тѣлѣ його не видно было жадныхъ болѣшихъ ранъ — лемъ маленьки значки, та якъ бы дахто шиломъ поштыхавъ. Такихъ значковъ было 7 на головѣ, 13 на правѣмъ пульсѣ коло ока, а еденъ на лѣвѣмъ, 7 на правій сторонѣ карху, 2 на Адамовѣмъ ябку на гыртани и една нижше ябка, 4 на правѣмъ боцѣ пѣдъ

и недовольство изъ-за богослуженныхъ нововведеній.

Одинъ за другимъ говорили менѣ, що украинофильскіи священники говорятъ на проповѣдальнѣ и исповѣдальнѣ на непонятномъ для нихъ языкѣ, що они стараются отдѣлити дѣтей отъ ихъ родителей — учать ихъ молитися на томъ языкѣ — що азбука, котрой ихъ мальчикѣвъ учать въ школахъ, мѣшае имъ читати Апостоль и Псалтырь въ церкви — когда приходитъ ихъ очередь, якъ всегда дѣлали ихъ отцы и дѣды.

Переводъ молитвы Господной на тотъ новый „языкъ“, навязываемый дѣтямъ вмѣсто старо-славянскаго перевода, особенно оскорбляе ихъ. Изъ 53 словъ, котрыи уже девять вѣковъ — привыкли употреблять для молитвы Господной — 21 уже замѣнены, а въ 17-ти — въ котрыхъ славянскій текстъ замѣнити не было можно — измѣнено правописание такъ, що они мають видъ словъ, инакшихъ отъ словъ ихъ богослуженныхъ книгъ.

Такимъ способомъ — только 15 словъ во всей молитвѣ осталось неизмѣненными.

Когда крестьяне Лемки показовали его менѣ, то хотя я и мѣгъ видѣти, що тотъ новый переводъ содержитъ немало простацкихъ словъ, но все же эпитеты

пазухомъ, 4 на правѣмъ хырбетѣ ниже правой лопатки, 7 значковъ на лѣвій сторонѣ грудей пониже цыцка и еденъ значокъ на головній жилѣ. Еденъ такой штыхъ на грудіохъ бывъ смертельный — бо зранивъ сердце.

Заразъ судъ закликавъ найлѣпшихъ докторѣвъ, котры вчатъ другихъ на докторѣвъ и они збадали трупа и повѣли, же раны тымъ шиломъ. ци може шпилькомъ на головѣ и на гыртани были заданы, якъ ищи хлопецъ бывъ цѣлкомъ здорѣвъ. Якъ Ющинскій ищи живъ, та звязали му руки и заткали гамбу — въ тотъ способъ, же долѣшню щеку притиснули мѣдно до горѣшній. — Якъ ужъ хлопецъ ледво дыхавъ, тонковъ швайкомъ ци може шиломъ або шпылькомъ зранили му сердце и вѣтъ заразъ сконавъ, але перше барзъ долго ся мучивъ.

Тыма малыми ранами вышва зъ ніого правѣ вшитка кровь, такъ же барзъ мало кырви въ нѣмъ ся лишиво. Въ печерѣ де нашли трупа того хлопця, не было ніякихъ слѣдовъ, жебы його дахто тамъ забивъ, и зъ того выходитъ, же Ющинскаго де инде забили, а до печери ужъ го забитого привезли. Способъ забити вказуе на то, же тымъ, котры забивали розходило ся о то, жебы якъ наибѣльше кырви зъ ніого зышло.

12 марта 1911 р. малый 12-лѣтній хлопецъ Андрей Ющинскій вставъ рано, обмывъ ся, вываривъ „Отче нашъ“ — зѣвъ кусъ пѣснаго борщу, што ся лишивъ зъ попереднійого дня — тай взявъ книжку и скрептурку и пѣшовъ до школы. Але того дня ужъ въ школѣ не бывъ. ани домѣвъ ся не вернувъ. Мати мышлѣва, же ей сынъ зашовъ до теты, якъ то ужъ не разъ бывало, тай собѣ тамъ ночуе — але якъ ся довѣдала на другой день рано, же сына цѣлкомъ въ теты не было, зачала го глядати и пришла до редакціи нѣбы русскаго газеты — бо по русскы ся пише, але пишуть сами жиды,

„поганый“ и „богохульный“ — казалисъ менѣ неумѣстными.

Не рѣшаючись бути знатокомъ въ точныхъ отгѣнкахъ смысла различныхъ мѣстныхъ нарѣчій, я колька недѣль тому показавъ тотъ переводъ въ Москвѣ чоловіку прекрасно знакомому съ малорусскимъ нарѣчіемъ, и особенно звернувъ его увагу на слово „нехай“, противъ котрого они особенно возражали и котрымъ въ трехъ первыхъ прошеніяхъ. Молитвы Господной замѣнена була славянская частица „да“, выражающая пожеланіе. Онъ розсмѣявся и сказавъ:

„Ну, я не удивляюсь, що они не могутъ примиритися съ словами „нехай“ буде воля Твоя“. Если бы я ставъ убѣждати васъ въ чѣмъ будь на малорусскомъ языкѣ и менѣ не ставало терпцю, я готовъ бы сказати „надоѣли вы, заберайтесь вы“, то я мусѣвъ бы употребити именно тѣ слова“.

И вотъ такому-то выраженію учать уніятскихъ дѣтей, вмѣсто знакомыхъ и величавыхъ словъ, котрыи прекрасно понимаются всѣми народами славянскаго племени: „да будетъ воля Твоя!“

(Дальше буде.)



и просила, жебы въ газетѣ оголосили — же деси ся подѣвъ ей 12-лѣтній сынъ Андрей.

Редакторы — жиды, не лемъ же оголосили въ газетѣ, же Андрей Ющинскій деси ся подѣвъ — але не знати зъ якої причины зачали сами нѣбы то хлопця глядати. И цѣкава рѣчь, якъ то они находили убійцѣвъ. Якъ ужъ хлопця нашли редакторъ-жидъ Борщевскій повѣвъ полиціянтамъ, же Ющинского забили — родичи, бо они якъ глядали сына, та не плакали.

Полиція ихъ заразъ арештувала, але якъ другы свѣдки християне зознали — же обое и отецъ и мати барзъ плакали, та по двохъ тыжняхъ выпустили ихъ зъ криминалу.

Люде въ мѣстѣ зачали бесѣдувати же хлопця такой сами жиды забили на мацы. Якъ лемъ зачали ходити такы поголоски — заразъ на полицію пришовъ другый жидъ-редакторъ Ордынскій и повѣвъ, же вѣнь чувъ, якъ якаси тамъ баба на мѣстѣ бесѣдувала, же хлопця забила сама мати, бо хотѣла зъ касы взяти його гроши.

На слѣдствѣ выяснило ся, же мати сына барзъ любила и же то, што повѣдавъ жидъ-редакторъ то по просту — брехня. Зачали пѣдозрѣвати, же хлопця забивъ такой жидокъ Менахиль Мендель Бейлисъ и його 3 сепня 1911 року арештували.

Якъ ужъ арештували жидка зачавъ ся страшный рейвахъ. Жидъ-редакторъ, Бразуль-Брушковскій пришовъ на полицію и повѣвъ — же Ющинского забили злодіе, бо вѣнь знавъ, же они крадуть, та они, жебы ся го позбыти, забили го въ домѣ Чеберяковой, въ котрѣмъ они сходили ся и на стѣнахъ лишили ся отъ кырви знакы.

Судъ закликавъ наибѣльшихъ знавцѣвъ-докторѣвъ, котры збадали плями на стѣнѣ и повѣли, же тоты плямы абсолютно не суть зъ кырви, але по просту зъ пороху.

Якъ ся ужъ жидикамъ не вдало нѣ якъ Бейлиса зъ криминалу вызволити — взяли ся на новый способъ. Они пѣдмовили неяку Чеберякову, зъ сыномъ котрой малый Ющинскій ходивъ до школы и бавивъ ся, жебы она зъ нимъ поѣхала до мѣста Харкова и обѣцявъ заплатити ей билетъ и дати ищи на дорогу. Баба радо на то пристава и 5 грудня 1911 р. поѣхала разомъ зъ жидомъ Бразульомъ Брушковскимъ до Харкова. Тамъ запровадили ей передъ якогоси пана, якъ ся потѣмъ показало передъ жида адвоката, котрый намавлявъ ей, жебы она взяла на себе тото убійство, а дѣстане за то чтердесять тысячей рублѣвъ, то есть сто тысячей коронѣ. Кримѣналу не мае ся што бояти, бо жиды выплюють ей заразъ за границу и никто ей не зѣмать. Баба ся на то не згодила и такъ съ ничимъ вернула ся назадъ до Кіева.

Андрей Ющинскій въ тотъ день — якъ вышовъ зъ дому, вступивъ до сына Чеберяковой, той, котру жиды намавляли, жебы взяла на себе вину, и съ ей сыномъ и дѣвчатомъ пѣшовъ до фабрики, де ся дѣти звычайно бавили. Въ фабрицѣ такымъ деректоромъ бывъ жидъ Бейлисъ, и вѣнь, якъ лемъ видѣвъ дѣти, все ихъ выганявъ.

Въ тотъ день Бейлисъ тѣжъ пустивъ

ся за дѣтми и зѣмавъ сына Чеберяковой, але вѣнь якоси ся му вырвавъ и втюкъ зо сестромъ, Ющинского же Бейлисъ потѣмъ зѣмавъ и затыгнувъ до гайцу въ фабрицѣ. — Отъ того часу Ющинского живого никто нигде ужъ не видѣвъ.

А тееръ зачинають ся появляти дива. Докторъ, котрый по смерти Ющинского бывъ при нимъ, робивъ операцію и повѣвъ, же то певно жиды го забили, бо зъ ніого выпустили кровь, въ короткомъ часѣ вмеръ и вшиткы бесѣдуютъ, же то жиды го стровили. Хлопецъ и дѣвча Чеберяковой, котры бавили ся разомъ зъ Ющинскимъ въ фабрицѣ и видѣли, якъ го Бейлисъ затыгнувъ до гайцу — повмерали, а докторъ повѣвъ, же то на дезинтерію, а люде повѣдають, же ихъ жиды потровили, жебы не мати свѣдкѣвъ противъ себе.

И на розправѣ свѣдокъ повѣвъ, же якиси жидокъ, убраный зъ паньска, давъ дѣтмъ цукеркѣвъ — отъ котрыхъ едно вмерло въ ноци, а друге на другый день. Адаже такъ ся мае тота цѣла справа.

Якъ жые ся въ Австріи православнымъ людемъ?

Въ числѣ 1188 „Прикарпатской Руси“ появило ся писмо Василя Мурина — православного селянина съ Ляцкого великого.

Въ письмѣ тымъ скаржытъ ся В. Муринъ, же отъ часу якъ перейшовъ на вѣру своихъ прадѣдовъ — не зажычатъ такыхъ правъ, якъ перше, на прикладъ яко резервиста за „вафенибунгы“ не достае запомоги, што перше яко унѣять — доставаль, и инше. А дальше пише якъ заховують ся власти възглядомъ православныхъ людей въ Ляцкомъ великомъ.

„Унѣяты и римо-католики безъ перешкоды направляютъ свои стары будынкы, а православного, якъ залатать дѣру на даху, котра съ причины бурьи повстала, то заразъ власти карють и жадають, жебы дѣставъ на тото концессию.

У унѣята або римо-католика песь лѣтатъ на свободѣ, а у православного — якъ есть песь, то хоць лежитъ день и нѣчь ввязаный на ланцуху, но якъ бреше, то заразъ го забиваютъ, яко встеклого, а господаря карють и на протягъ 3 лѣтъ заказуютъ тримати пса, съ чого користаютъ злодѣе“.

А дальше есть написано, якъ жандармы обходятъ ся съ православными людемъ въ часѣ богослуженія.

„27 липня с. р. н. ст. жандармъ — Сѣрко въ часѣ богослуженія гверомъ отганялъ селянина С. Цымбалу отъ церкви, хоць ѓнъ стоявъ на публичной дорожѣ. 29 ст. ст. червня с. р. жандармъ Вознякъ „w imieniu гравѣ“ съ крикомъ вышмаривъ сел. С. Захарчука съ церкви въ часѣ Службы Божой. 19 жовтня с. р. жандармъ Вознякъ два разы старався перервати богослуженіе и розѣгнати молящихся, два разы кричалъ черезъ окно отворене голосно, кѣлько лемъ мѣгъ: „въ имени права вамъ не вольно молитися“, а при тѣмъ цѣлювавъ съ гвера и хтѣвъ стрѣляти. То было въ часѣ Утрени, а въ часѣ Службы Божой тотъ самъ жандармъ гверомъ отганялъ люди отъ церкви.

Шытко то я видѣвъ и преживъ и могу удовѣднити свѣдками“ — пише дальше православный Муринъ.

Не знаютъ каты русского народа, же кромѣ суда ту на землѣ, котрого такъ легко уходятъ, буде судъ Божій, а того не уйдуть!

НОВОСТИ.

Отъ Редакціи. При 40 числѣ нашей газеты „Лемко“ розсыламе яко додатокъ до газеты цѣнникъ издательства **Е. И. Фесенко**, въ Одессѣ. Кто хтѣвбы собѣ спровадити яки образы Святыхъ най ся удасть по указаннымъ адресѣ. Можна такъ само отъ того издательства спровадити собѣ добры книжки, въ котрыхъ пише ся о злыхъ skutкахъ, яки поведоуе пѣянство.

Въ загалѣ звертаме увагу нашимъ подписчикамъ, жебы тамъ лемъ удавали ся съ всякомъ покупкомъ чито образѣвъ чи книжокъ, бо тамъ можна то все достати, а цѣна въ порѣвнаню съ другыма есть барзъ низка.

Якъ „Українцѣ“ помагаютъ голоднымъ. — Якъ намъ есть вѣдомо лемъ украински общества достали запомогу отъ державы, жебы могли прѣйти на помѣчь русскому селянству. Якъ они прибігаютъ съ томъ помочію, то найлѣпшій прикладъ видиме съ писма людей съ села Балучины, высланого ними до „Прикарпатской Руси“:

„Мы — господаре села Балучина замовили ищи 15 (23) вересня 11 метрѣвъ пшеницѣ для озимины въ „Сільскомъ Господарѣ“. — До тееръ то есть до 13 (26) жолтня, той пшеницѣ мы не достали. Вѣчно пишеме до нихъ и достаеме таку отповѣдь:

„Въ тыхъ дняхъ пшеницю высыламе“.

Такъ намъ писали ищи 2 вересня. А ищи просятъ, жебы мы прислали решту грошей и жебы мы написали имъ „похвальне письмо“ за пшеницю — бо они хтятъ го показати краевому правленію.

И штожь намъ робити? Пшеницѣ не присылають, забравши хлопски пѣнязѣ и ищи, кобы здравы, сѣмѣяти ся будутъ. Часъ для озимины минувъ — а они не лемъ, же намъ не вернули задатку, але ищи намъ наробили шкоды, за што мы ихъ мусиме подати до суду!“

Такъ „Українцѣ“ дбають о хлопа! Давнѣйше писали польскы газеты — же еденъ съ директорѣвъ „Сільского Господаря“ вкравъ велькы тысячи хлопской запомоги и втюкъ до Америки.

Гимназіяльнмъ ученики взломщиками. Трѣохъ учениковъ съ гимназіи въ Новѣмъ Санчѣ отъ долшого часу занимали ся злодѣйствомъ и де лемъ могли — тамъ розбивали замкы.

Остатній разъ такой взломъ зробили въ реставраціи Вандлера. Двохъ полиція злпала, а головной виновникъ Дембскій втюкъ и длятого судъ объявилъ публикацію о пошукуванію го.

Тыми днями удало ся того Дембского злпати въ Освенцимѣ правѣ якъ хтѣвъ преступити границу. Полиція нашла при немъ 300 коромъ, котры вкравъ въ Санчѣ.

Участникъ Дембского — Бохенекъ, ученикъ VII. кл. гимн. бывъ арештованный


але судь пустивъ го за кавцію, онъ тымъ часомъ втюкъ до Америки.

Вмерла найстарша женщина на Венграхъ. 28 жолтня вмерла на Венграхъ найстарша женщина Франциска Горватъ. Уродила ся ищи въ року 1799, 15 жолтня. Лишыла 37 внукѡвъ и 11 правнукѡвъ. — До кѡнца жытя заховала добру память, взагалѣ добрѣ ся тримала — а навѣтъ безъ окулярѡвъ читала.

Овочъ яко лямпя. Въ полудневой Америцѣ росне дерево орѣхове, котрого овоча тутейшы мешканцѣ — не лемъ за покармь, але и за свѣтло ужывають. — Овочъ тотъ палить ся бесъ дыму. Свѣтло його есть дуже добре и спокойне, запалять ся дуже легко. Кромѣ того съ натуры овочъ есть предѣрвлений такъ vzdолжъ, же легко го можно умѣстити на лѣхтарѣ. Овочъ тотъ у тамейшыхъ люди называтъ ся „запакая“.

Рѣдкій випадокъ. Во Франціи той осени розпочали войскову службу трояки: Феликсъ, Павелъ и Генрыкъ Бергаймы. Випадокъ такій есть дуже рѣдкій, жебы трьохъ въ однимъ часѣ уродженихъ братьей разомъ отбывали войскову службу. Служать они въ однимъ пулку при пѣхотѣ. Уродили ся въ Парижѣ — де ихъ отецъ тоже служывъ при войску.

Автомобиль влетѣвъ до хыжы. — Въ Пруссахъ наѣхавъ автомобиль — на еденъ сельскій дѡмъ, пребивъ стѣну и вправъ до хыжы и тамъ поранивъ смертельно три особы. — Дѡмъ въ части ся заваливъ, а автомобиль цѣлкомъ ся розтрепавъ.



**Просиме чѣмъ скорше
о вырѡвнанье залеглостей
за газету „Лемко“.**

**Друкарня
ЗИГМУНТА ТУРОВИЧА
ВЪ ГОРЛИЦЯХЪ**

выконуе друкы звычайны, оздобны и кольоровы; книжки науковы, шкѡльны, молитвенники, поезіи, брошюры, одозвы, изданія народны, календары, рѡчники, меморанда, книжки купецкы звычайны, и до копюванія, наголовкы листовы, копирты, цѣнники, каталогы, рейестра, проспекты, квитариуши, табулы, уклады цифровы, запрошенія весѣльны, программы, визиткы, карткы; листы жалобны, адресы, пожеланія, карты кореспонденційны, афиши, всѣлякы друкы для урядѡвъ громадскихъ, парохіальныхъ и шкѡлъ и др., по цѣнахъ барзъ приступныхъ, скоро и гардѣ, друкомъ чорнымъ або кольоровымъ.

Въ селѣ Климкѡвка, повѣта Горлицкого — есть до продажи 220 моргѡвъ лукъ, орного и лѣса — разомъ съ будинками господарскими. — Кто мае охоту купити яку часть съ того грунта то най звертае ся въ той справѣ до:

**ЛЮБОМИРЪ КАЧМАРЧИКЪ,
Горлицѣ.**

Съ господарства.

IV.

Чулисте мои коханы, гварить Панько, якъ розпознавати мате грунтъ — ци есть пѣсковы, глиннати, порѡхничы ци вапнясти; была бесѣда о почвѣ и пѡдпочвѣ и довѣдалистеся, же пѡдпочва вельку ролю отгравать въ грунтѣ, длятого кожди зъ васъ повинень докладно познати свѡй грунтъ, а коли го познате, будете могли зъ векшимъ пожиткомъ на нѣмъ працювати, бо будете могли отповѣдно го поправити.

А вы Паньку мовили перше — одозвался еденъ газда — же намъ будете оповѣдати на лукахъ и ихъ поправѣ — тымъ часомъ вы розгадалися о грунтахъ.

Бодай ти пекъ было, яки не терпячи. Твоя баба кедъ хоче зготовити чиру, мусить найперше мати муку, правда? — мусить ити по воду, мусить горнець вымыти, а кедъ есть южъ вымыти, мусить го хоцъ сполокати, потѡмъ наляти воды, заставити до пеца, а коли вода скипить, трохи воды отляти и такъ ажъ засыпати; мысмо пересіяномъ мукомъ.

Видишь же чловеке Божы, то шшитко мусить ити по порядку.

Розумѣся на розпознаваню якости грунту, якъ табака въ розѣ, не чувъ ничъ на якимъ грунтѣ яки рослины зъ пожиткомъ для газды удаются; мовю зъ пожиткомъ — бо не велька штука поле зьорати, посѣяти зеренце, заборонити и запропастити го, жебы хѡсна зъ нього не было, бо на то сѣеме, жебы мы зъ нього, кедъ насъ Богъ поблагословить, мали стокротни хосень.

Такъ брате. — Ты мусишь познати свѡй грунтъ, а коли го познашь, будешь знавъ, коли де на яки фалатокъ поля пѣдешъ орати; и такъ, глинястого грунту не будешь завчасу зъ весни орати, докаль ищи мокри, бо якъ го зьорешъ на

мокру, то шкода роботы, бо хѡсна велько зъ нього не буде; такъ само не будешь чекавъ ажъ ти барзъ засхне, бо го не зьорешъ — а противно грунтъ пѣсковы будешь оравъ хоцъ ищи мокряви и зъ нимъ не траждати долго — жебы ажъ барзъ высохъ — бо не буде мавъ ничъ вѣльготи, а товди якъ бы не было долго дощу, то потеряшь велько.

Знаючи якѡсть грунту, ты чловеке не будешь сїяти пшеницѣ на грунтѣ пѣсковѡмъ — бо пшениця любить грунтъ глинясти, жито зновъ противно, не будешь сїявъ на грунтѣ глинястѡмъ, лемъ пѣсковѡмъ и остаточно на глинястѡмъ.

Дальше ты брате мусишь познати розвѡй рослинъ, поживу рослинъ, а што навозъ отгравать головну ролю, тому мусишь запознатися зъ навозами, а то познавши, можеме ажъ товди приступити до лукъ. Отъ видите, такъ мусить ити шшитко въ порядку.

Глинясти грунтъ.

Глинясти грунтъ есть таки, въ котрѡмъ есть глины веце — якъ иншихъ складникѡвъ. Пѣску и вапна въ глинястѡмъ грунтѣ мало, длятого таки землѣ до обробленя суть тяжкы; треба отже мѡцного плуга и мѡцной худобы. Глина збиватся сильно — тому не перепущать воды и длятого таке поле есть вѣльготне, а и мокре.

Поле глинясте не треба орати за мокра, бо коли выхне, поробитися на нѣмъ груда, же бороны не потрафлять ей покрушити; — не треба тыжъ ждати ажъ барзъ выхне, бо товды на таке поле зъ плугомъ не выхоть, бо го не потрафить зьорати, такъ ствердне.

Сама чиста глина мокра дасть ся мѣсити въ пальцяхъ, якъ тѣсто и така земля есть для газды правѣ безъ вартости. — Понеже глиняста земля приймаъ барзъ велько воды до себе и тота вода не легко выпаровуе — длятого глинясти землѣ называються зимными землями, бо

зъ причины барзъ вельо назбираной въ нихъ воды трудно огрѣваются.

Поле таке повинно навозитися навозомъ свѣжимъ мервястымъ не перегнилымъ ици добрѣ, бо такий навозъ поле трохи спульхнить, чимъ улещитъ приступъ повѣтря до середини. Навозъ розкладатся въ глинястой земли помалу — тырвать отже долго, длятого глинясте поле повинно навозитися навозомъ, якъ мовю, мервястымъ, але мѣдно, а не часто, бо ту запасъ разъ навезеного навозу — буде тырвавъ келя рокѣвъ.

Барва грунту глинястого есть по выораню звычайно жолта — або темно-брунатна, што походить отъ домѣшки желѣза, порохнявки и иншихъ домѣшокъ.

Хоць въ глинястой земли есть вельке богатство нагромадженого рослинного поживлѣня для рослинъ, то помимо того глинясты землѣ не суть найурожайнѣши, а то попросту длятого, што трудно ихъ добрѣ управити и што на нихъ озимина вымерзатъ.

На глинястыхъ грунтахъ — удаеся лѣпше пшеницъ якъ жито, удаеся такожь ярець и овесъ. Кедь выпадє сухе лѣто будутъ и бандури (комперы) красны, але лойоватого смаку, якъ мыдло. На поли не барзъ мокрѣмъ удаются бураки. (Дальше буде).

Лемковски Пѣснѣ.

Качмаречка.

Ишли, ишли сой два брата
Съ Собѣнова до Дранова,
Прийшли они до корчмики
До молодой качмаречки.

„Качмаръ, качмаръ, качмаречка
Дай намъ вина, дай намъ пива,
Дай намъ вина безъ мѣряня,
Мы пѣняжки безъ читаня.

Дай намъ пити до келюшка,
Мы пѣняжки до фартушка“.
Она сама не вынесла,
Бѣлымъ чадомъ имъ послала.

Качмаръ, качмаръ, качмаречко:
„Чѣежь то вы чадо мате,
Чи есть ваше служебное,
Чи есть ваше власненькое?“

„Нѣ есть мое служебное,
Нѣ есть мое власненькое,
Лемъ есть въ мене заставлене
За сто златыхъ, за червеныхъ
И за перстеникъ сриберный“,

„Качмаръ, качмаръ, качмаречко
Лемъ намъ позволь ночку спати,
Вернеме ти тыхъ сто златыхъ
И перстеничокъ сриберный!“

„Илюсь, Илюсь, красна дѣвка,
Возьми сой свѣчку воскову,
Идий постель постѣль свою!“
Она пошла, тай стелила
И горенько барзъ плакала!

„Илюсь, Илюсь, красна дѣвка,
Чомъ ты плачешъ такъ барзъ
(горко?“

„А я плачу, бо мамъ чого,
Бо мя збавиль вѣнка мого,
Вѣнка мого зеленого
И личенька румяного,
Дрѣчку мого тоненького,
Ходу мого дрѣбницького!“

сообщилъ Теофиль В. Курилло.



Оголошенье.

Дня 9 листопада т. р. група театральна при Обществѣ „Русская Дружина“ въ Тыличѣ давала театральне представление „Мужики аристократы“ — въ Крыницѣ.

На тоту недѣлю т. е. 16 листопада т. р. отбуде ся тото саме представление въ Лабовой — стараніемъ „Русской Дружины“ съ Тылича.

Запрашае протое всѣхъ сусѣднихъ селянъ на тотѣ представление.

По представленію буде забава вразъ съ танцями. — Музыка власна „Русской Дружины“ съ Тылича.

Початокъ о годинѣ 6 вечеромъ.

„Русская Дружина“
въ Тыличѣ.

Изъ Липовця.

Дорогіи читатели Лемка, дѣлю ся съ Вами дуже сумномъ новиномъ, понеже еденъ изъ найлѣпшихъ нашихъ русскихъ лемковскихъ священниковъ сили днями скончалъ ся, а именно О. Николай Волошиновичъ, котрый проживъ въ нашомъ селѣ яко парохъ 37 лѣтъ.

Бывъ то священникъ и человекъ, якыхъ дуже мало, правдолюбъ; покора, незахланность, тверезость и терпеливость то черты характера того человека.

Сохрани Господи было при томъ человеку сказати — хотяй бы крыхотку неправды, або въ бесѣдѣ сказати польское або английское слово, якъ то где некто изъ нашихъ Американовъ навикъ при розмовѣ уживати изъ англійска — наприкладъ есеръ носеръ и т. д., хотяй самъ дуже добре знавъ по англійски и писати и говорити, а навѣтъ въ потребѣ писавъ людямъ просьбы по англійски до кампаній американскихъ и т. д.

Знайшовъ есь человекъ у покойного О. Николая на все пораду, чито въ господарицѣ, чито въ недугахъ — у него была наука якыхъ мало бывало.

Прийшовъ есь человекъ на плебанію чито въ даякой потребѣ, чи такъ поговорити, то покойный Отець сейчасъ зайшли въ бесѣду то о свѣтскихъ наукахъ, о чужыхъ краяхъ, о моряхъ, о мѣсяцю, о рыбахъ, о звѣряхъ, яки давно существовали, а яки теперь существуютъ, о давныхъ войнахъ, то показовали величину свѣта на манахъ, то гварили о новыхъ выходахъ, о выробахъ, о рослинахъ, яки находятъ ся по чужыхъ краяхъ, въ морѣ и т. д.

Покойный О. Волошиновичъ засновали въ Липовци — читальню им. Мих. Качковского и были ей членомъ до конца жытя и подтримували ей и грошами и книжками — котрыхъ то книжокъ въ нихъ безчисленно было всякого рода по вартости перейшло 1000 коронъ.

Покойный О. Ник. Волошиновичъ числили 74 лѣтъ жытя, упокоили ся 23 октября т. г., а похоронъ вѣдбувъ ся 27 октября, на котромъ було 8 священниковъ межы ними штырьохъ истиннорусскихъ, а именно О. Вахняній, О. Кмицъкевичъ, О. Ханать изъ Чертежного — Угорщина и О. Жубридь.

На похоронѣ брало участь множество народа не только изъ тугейшого села, але изъ другихъ селъ — якъ изъ Черемхи, Даліевы, Волѣ вышной и нижней, Королика, Шкляръ, Дошна, Зындрановой, Тылявы.

Школьныи дѣти изъ мѣсцевою учителькою провадили на цвинтаръ своего отца духовного, которому принесли величавый вѣнецъ приукрашенный лентами — лентами изъ надписомъ:

„Дѣти школьныи своему Найдоросшому Пароху“.

Другій вѣнецъ бувъ вѣдъ членовъ читальнѣ съ написомъ:

„Члены чит. им. Мих. Качк. въ Липовци своему дорогому члену предсѣдателю“.

На кладбищи по похоронной одправѣ выголосивъ проповѣдь О. Вахнянинъ изъ Суровицѣ — при чимъ вспмнувъ о дѣятельности покойного и о его трудахъ въ дѣлѣ просвѣты, а то такъ жалосно, же не было человека котрому бы не потекли слезы, а где некотры голосно рыдали.

Господъ нехай прийметъ душу праведника до царства своего, а земля най будетъ Ему перомъ.

Дякъ мѣстцевый.

ТОРГОВОЕ БЮРО

„Д. П. СВИЩА“

ВО ЛЬВОВѢ, РЫНОКЪ Н-РЪ 43.

ЦѢННИКЪ

на товары прямо изъ фабрикъ и мѣстъ продукцій, какъ СВѢЧИ:

стеариновыя м. Аполло-Шихтъ I-а К 212—

„ „ „ „ II-а „ 136—

восковыя марки Фр. Сеземскій I-а „ 430—

„ „ „ „ II-а „ 320—

отъ этихъ цѣнъ дасть 12% скидки, для лавокъ же особыя условія. Оплачено до жел. дор. стациі Дѣдичи.

ВИНА литургичныя и столовыя, испытанныя, изъ самыхъ лучшихъ виноградниковъ: Венгерскія, токайскія самородныя по К 130—, 140—, 160—, 180— и выше. — Австрійскія: Vöslauer, Klosterneuburger и т. д. по Кор. 120—, 130—, 140— и выше.

Выше названныя цѣны разумѣются за 100 литр. Юсо-винный магазинъ, въ бочкахъ начиная отъ 40 литр. Сезонъ кончается съ концемъ ноября.

Каменный уголь изъ лучшихъ галицкихъ и прусскихъ каменноугольныхъ копей и пр. и пр.

Цѣны и условія подаются на востребованіе.

**Поглядайте въ обыстью
старыхъ книжокъ и листовъ!**

Стары книжки и листы, писаны
рукомъ и друкуваны, всякого рода
и содержания, — якъ то: церковны
книгы и поученія, житія святыхъ,
пѣсни, исторіи оповѣданкы, хоць бы
были и цѣлкомъ подерты и побабраны,
просиме барзъ гардѣ прислати
намъ подъ адресомъ:

Редакція „Лемко“ Горлицы.

СВОЙ ДО СВОГО!

РУССКЕ ТОРГОВО-КРЕДИТНЕ ОБЩЕСТВО

„НИВА“ ВЪ ЛЬСКУ

об-во зарегистр. съ огран. пор.
Рѣкъ основаня 1911.

Ручательны фонды 200.000 К.

Принимать пѣнзѣ на ошадность уже отъ 1 К.
и платитъ 5% а по особнои умовѣ и 6%.

Дае гешки на скрыта и вексли.

Висилать гросто зъ фабрики або зо свого
магазину свѣтло церковне и столове марки
„АПОЛЛО“ въ скринкахъ отъ 30 Кор.
и выше, отъ цѣвъ фабричныхъ остунае
12 процентъ скидки. Для кушѣвъ и крамницъ
особны оферты.

Принимать цѣдоваговыи заказы на штучны
навозы якъ томасниа, суперфосфатъ и др.
отстунаетъ высокѣи работъ.

При „НИВѢ“ въ Льску

открыло Тов. „РИЗНИЦА“ комисійный складъ
товаровъ церковныхъ, а то: фелонювъ, стиха-
ровъ, хоруховъ, иконъ процес., чашъ, нате-
рищъ, крестовъ, кивотовъ, лѣхтарювъ, пауковъ,
книгъ богослужебныхъ, молитвослововъ, об-
разовъ, Пранюровъ для „Русскихъ Дружинъ“.

Стари ризы и сосуды принимае „НИВА“
до отповлениа.

Вшитко што входитъ въ банковый и тор-
говый кругъ переводитъ оборотномъ почтомъ.

„НИВА“ въ Льску

Ринокъ 92 — власный домъ.

ПРОСИТСЯ О ЖЕРТВЫ

на

„ЛЕМКОВСКИЙ НАРОДНЫЙ ФОНДЪ“

Жертвы посылати на адресъ:

„ЛЕМКО“

ВЪ ГОРЛИЦЯХЪ.



СЛАВІЯ

БАНКЪ ВЗАИМНЫХЪ ОБЕЗПЕЧЕНІЙ въ ПРАЗЬ
Головне заступниц. для Галичины и Буковины
во Львовѣ, Коперника 30 I. п. Тел. 1338.

а) **обезпеченія житъовы**, а именно обезпеченье капитала на выпадокъ
дожитья або смерти, обезпеченье вѣна для дѣти, обезпеченье рентъ пожизне-
ныхъ и то або за одноразовомъ вкладкомъ, або за рѣчными вкладками и т. д.
Потрѣбны тарифы сп примѣрами на жаданье высыламе бесплатно;

б) **обезпеченія огневы**, вѣдъ шкѣдъ причиненныхъ пожаромъ, громовымъ
ударомъ взрывомъ и т. д. До обезпеченія принимаются будынкы, движимости,
живый инвентарь, збѣже въ стодолахъ, стыртахъ, оборахъ, шнѣхлѣрахъ и пр.;

в) **обезпеченія шибъ шклянныхъ и зеркальныхъ**, передъ розбитьемъ,
або ушкодженьемъ;

г) **Обезпеченія противъ крадежи съ вломомъ**, въ закрытыхъ помѣще-
няхъ або хранилищахъ. Тото отдѣленье важне для церквей, кассъ пожичковыхъ
конторъ, библиотекъ, музеевъ, торговель и частныхъ особъ, занятыхъ по большій
части поза домоу, нараженныхъ наибѣльше на грабежи.

Ликвидациі исполняются безотлагательно при участии мужѣвъ довѣрія и
знатокѣвъ съ всею точностию и совѣстностию.

Въ мѣстцахъ, де ищи нѣтъ заступництвъ банка „СЛАВІЯ“, удѣляеся такимъ
особамъ грамотнымъ, трудолюбивымъ и совѣстнымъ за рекомендаціомъ
Общества им. Мих. Качковскаго во Львовѣ.

Вшиткыхъ информаций штося тычитъ обезпеченій, якъ тѣжъ формулярѣвъ
до выполнения, удѣляе безотлагательно и бесплатно Головне Заступництво
банка „СЛАВІЯ“ во Львовѣ, вшиткы заступництва по провинціи, якъ тѣжъ
„Страховое отдѣленіе“ при Обществѣ им. Мих. Качковскаго во Львовѣ,
ул. Валовая 14. I. п.

Резервны фонды банка „Славія“ выносятъ вышше 53,000.000.

Банкъ „Славія“ выплатилъ
за цѣлый часть своего
существованья за
шкѣды и платны ка-
питалы К 115,390.603
Фонды банка осягнули К 53,758.285

Маетокъ банка составлятъ К 52,694.649
Въ 1910 р. вплачено пре-
мій и вкладокъ К 11,956.668
Громадамъ и сторожамъ
огневымъ удѣлено
запомогъ К 248.938

**Фондъ емеритальный заступниковъ банка „СЛАВІЯ“
выносить 793.180 коронъ.**



Краевый адвокатъ

Д-ръ СЕМЕНЬ С. БУЛИКЪ

въ МУШИНѢ
пренюсъ

адвокатску канцелярью

до свого дому напротивъ аптыкы.



**РУССКОЕ ЛЕМКОВСКОЕ
КРЕДИТНОЕ ОБЩЕСТВО
„НАДЕЖДА“
ВЪ КРЫНИЦѢ**

принимаетъ вклады, отъ которыхъ пла-
тити 6% съ полугодичною капитали-
зайсью.

„НАДЕЖДА“ въ КрыницѢ — даеъ
плотечный займы и займы подъ
договыи листи на 7%.

„НАДЕЖДА“ въ КрыницѢ — даеъ
вексельный займы на 8%.

„НАДЕЖДА“ въ КрыницѢ — платитъ
рентовую податъ — изъ своихъ
фондовъ.

„НАДЕЖДА“ въ КрыницѢ — пере-
исусея съ банками въ АмерицѢ,
— за шо не побираетъ жадного
вознагражденія.

Канцелярѣя „Надежды“ открыта
ежедневно отъ 9 ч. до 1 ч., за
исключеніемъ недѣль и русскихъ
праздниковъ.

СВОЙ ДО СВОГО.

Кредитное Общество

ЛЕМКОВСКАЯ КАССА

общество зарегистровано съ огран. пор.

въ ГОРЛИЦЯХЪ

принимать пѣнзѣ на ошадность

и платитъ отъ нихъ 5%

Пожичкы дае на 7%

СВОЙ ДО СВОГО.



Надѣли сой мазепинцѣ козацку оледжу,
Тай лемковску съ крикомъ-гукомъ преступили меджу.
Хтѣли вѣру „иначыти“ русскость закопати
Нашу святость одобрати а свою намъ дати



Лемъ-же лемкы ся збачыли, бо тварь не козацка,
Але „пика“ Русь-здрадника „льокайско-нѣмецка“
А съ такыма русскы лемкы никусь не шпасують...
Неборакы „мазепинцѣ“ съ йойкомъ отлѣтують...

САТИРА, ГУМОРЪ, ЗАБАВА.

Въ судѣ.

Сендзя: Чи знате, же то барзъ злѣ гуси красти?
Злодѣй: То правда пане сендзю, за дуже робять галасу.



На гофѣ.

Капраль: А ты рекрутске сцѣрво, чомъ есь ся такъ скрививъ?
Рекрутъ: Ой пане капраль, по тій ранишній гальопзунцѣ такъ мѣ ся отбивать, якъ вмерлому кадило.



Бискупъ и хлопецъ.

Еденъ бискупъ звѣдуе ся 9-лѣтнього хлопця, котрого по разъ першій видѣвъ:
Повѣчь ле ми, мое дзецко, де ести Богъ, та достанешъ ябко.
Повѣчте ле ми пане — отповѣвъ хлопецъ — де Бога нее, а дамъ вамъ два ябка.



Дарма наука.

Стець: Покай ты драбе, навчу сѣтя цигары курити!
Сынокъ: Къедъ и южъ знамъ проиу тата.



На путѣ.

— Такисъ молодой, здравый и — жебрешъ?
— Якже не мамъ жебрати, кой ѣсти ся ми хце, а робити ся ми цѣлкомъ не хце.

Въ часъ розправы.

Сендзя: Чи оскарженный ма ищи даншто додати на свою оборону?
Оскарженный (пошкрябавъ ся по головѣ и повѣдаты показуюти на адвоката): Ани цента, высокій трибунале! — Остатнѣ 12 коронъ взявъ панъ гадукаць.



У адвоката.

Адвокатъ (гварить до трьохъ парѣчакѣвъ, што то пришли одобрати маетокъ по своимъ вмерлымъ стрыкови):
Каждый съ васъ достане съ позосталого маетку 12 тысячъ коронъ — по одрахованю коштовъ по два тысячи вмѣсто по штыри тысячи.
Гриць (едень съ парѣчакѣвъ повѣдаты): Прону ласкы пана мецяша, теразъ то южъ вера не знамъ, ци то ми стрыко вмерли, ци пану гадукатови.



Злосливый.

Въ кнайтѣ гварить еденъ фіякеръ до другого фіякра съ червенымъ носомъ:
Сташекъ зожень муху съ носа, бо си ланы понарить!

Въ судѣ

Сендзя: За тоты убійства кажу тебе — звѣсти.
Цыганъ: Кедъ я не хцу.
Сендзя: Але кедъ я хцу.
Цыганъ: Якъ вы хцете, та идте, та ся повѣсте!

При вѣйску.

Еденъ офицеръ пришовъ до цугу, абы обѣзрѣти, ци шытко есть въ порядку и сирѣбувати мынажу рекрутского. — Коло столу сѣдигъ цѣлый цугъ воякѣвъ, але жадень съ нихъ не хце ѣсти мынажу.
— Штожъ то хлопцѣ, не смакуе вамъ зупа? звѣдуе ся офицеръ.
— „Я воль“ не смакуе — отзывать ся котриси.
Офицеръ казавъ собѣ подати на талѣрь зупы, взявъ ложку и пробуюе.
— Добре, а навѣтъ досконале — повѣдаты и хлипаты одну ложку за другомъ, а воякы ани рушь.
— Штожъ вы до дябла хцете от той зупы? звѣдуе ся зновъ, але южъ злый.
Жолнѣре ничъ не отзываютъ ся. — Втовды розлощенный сфигеръ пытаты першого съ краю вояка, чомъ не хце ѣсти.
— Длятого, бо въ зупѣ ся щуръ вваривъ — отповѣдаты.
Офицеръ одѣйшовъ якъ немый и южъ все не пришовъ рекруцкой зупы пробувати.



Безъ адресу.

— Де тотъ листъ, што ту лежавъ?
— Я шмарила го до скринкы.
— Та прецѣнь тамъ не было ищи адресу!
— Е, та я мысльва, же вы не хцете жебы на почтѣ шыткы знали, до кого тотъ листъ.



Кусьцьокъ за дуже.

— На Бога, старый, што ся ти стало? звѣдуе ся зо страхомъ жена мужа, котрый блѣдый якъ трупъ, операючи ся на раменѣ сусѣда, вертаты домио — што ти бракуе?
— Ми? — отповѣдаты мужъ — ничъ не бракуе, навѣтъ мамъ кусьцьокъ за дуже...